

太上黃籙齋儀卷之三十四

唐廣成先生杜光庭 歸十

三元落景行道

入戶

各禮師存念如法

衛靈

神光朗耀 瑞氣布旋 箕斗澄輝

芝宇晏然 玉眸金真 寶壇純乾

變夜作晝 回子午前 太華流彩

丹鳳飛轅 息魔滅奸 高步祥煙

天真普集 齊到帝前

鳴法鼓二十四通

無上玄元太上道君召出巨身中三五功曹

左右官使者侍香金童傳言散花玉女五帝

直符直日香官各三十二人出出者嚴裝關

啓玄壇天帝神君當召此間土地里域真官

正神以今奉為入意願得玉清道炁靈寶妙

光下降流入臣等身中即使金光煥赫御炁

上清令臣所啓速達徑御

太上無極大道無形無名虛無自然金闕玉

陛下

各稱法位

具位臣等謹同誠上啓

虛無自然元始天尊無極大道太上大道君

大聖祖高上大道金闕玄元天皇大帝太上

老君高上玉皇十方已得道大聖眾至真諸

君丈人三十六天帝君玉虛上帝玉帝大帝

東華南極西靈北真玄都玉京金闕七寶玄

臺紫微上官靈寶至真明皇道君三十六部

導經玄中大法師三界官屬一切真靈臣等

伏聞無為妙道包萬法以居尊清靜真宗運

三元而育物大弘神化普度羣生由是天地

水官司明罪福陰陽曹吏考校吉凶飛天述

玉匱之文上智請琅函之格自家刑國咸許

懺祈惟願及幽必令開濟臣等夙承玄訓獲

奉明科志在立功用敷真化凡應披告敢不

上聞

讀詞

按如詞言志深修奉況當令節宜罄誠祈寔

諸天朝寔之辰澤流羣品乃萬聖宣慈之會

恩被十方是敢虔扣玄關精修黃籙普存亡

而懺拔逸家國以歸依共勵丹誠仰希鴻福

以今晚朝行道請法眾等運茲初捨上香

願此香煙騰空徑上供養

無上至真道寶臣等歸身歸命首體投地仰

依

太上三尊願以是功德歸流九廟專靈列聖

昭穆遊神太漠觀妙上清延景賜於孫謀集

鴻休於帝業

皇帝化高三五奇越億千執大象而御天體

飛龍而立極儲官妃后匡輔睿圖良佐正臣

保寧休運今故燒香自歸依

師尊大聖眾至真之德得道之後升入無形

和與道合真

以今晚朝行道請法眾等運茲二捨上香

願此香煙騰空徑上供養

無上至真經寶臣等歸身歸命首體投地仰

依

太上三尊願以是功德歸流齋主某家曠劫

親緣九世神英登真紫府鍊景朱陵御飛廉

而戴列星造天都而辭地戶祚流無極福利  
見存今故燒香自歸依

師尊大聖眾至真之德得道之後升入無形  
和與道合真

以今晚朝行道請法來等遵茲三檢上香

願此香煙騰空徑上供養

無上至真師寶<sub>臣</sub>等歸身歸命首體投地仰  
依

太上三尊願以是功德歸流齋主其家五族

六親同沾景祐災纏自息罪網咸銷四海九

州共沐和寧之化有情合識俱承清靜之風

夜府臬高靈蒙開度飛潛蠢動並獲安全今

故燒香自歸依

師尊大聖眾至真之德得道之後升入無形  
和與道合真

禮方

懺悔

步虛旋遶

頭腦禮金闕 携手邀玉京 鸞樹圓景圍  
煥爛七寶林 天獸三百名 獅子巨萬尋

飛龍躡陽吟 神鳳應節鳴 靈風扇奇華

清香散人襟 自無高仙才 焉能耽此心

嚴我九龍駕 乘虛以逍遙 八天如指掌

六合何足遠 來真誦洞玄 太上唱清謠

香華隨風散 玉音成紫霄 五苦一時進

八難順經家 妙哉靈寶園 興此大法橋

天真帝一官 藹藹冠耀靈 流煥法輪網

旋空入無形 虛皇撫雲璈 衆真誦洞經

高仙凜手讚 彌劫保利貞

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位<sub>臣</sub>等謹重伸上啓  
太上無極大道元始天尊太上大道君太上  
老君十方無極大道道德眾聖天尊至真大

帝天帝三十六部尊經玄中大法師上相上

宰四司五帝三界官屬一切尊靈<sub>臣</sub>等識昧

重玄獲參至妙承慈儉之訓披濟拔之科得

聲丹誠仰贊鳴化竊聞瓊都金闕上聖眾尊

觀苦趣於八門泛慈舟於三界護持萬類拯

濟羣生於是命三官以統三元垂九光而開

九夜息災蒙於家國照暗於幽沉聖澤無

遺神功廣布今屬<sub>其</sub>元御節大宥敷恩爰備

香燈式陳齋薦法天地二儀之象大啓皇壇

繼星辰三景之明上新玄既九時燭潔三日

精虔所期大帝迴光元尊降鑒現神光於七

十二色凝瑞彩於三十六天隨感效祥應機

表覲上扶國祚與天地以永貞仰福聖朝配

日月而齊照宸枝克茂大業允昌混文軌於

萬方息戈鉅於六合賢臣良輔文德武功匡

翼帝圖昭宣景化野無隱逸朝有忠賢九稼

滋豐五兵偃戢絕水旱寇攘之害無饑凶疫

瘥之虞萬姓又安六氣和暢重泉地府披昏

暗而覩光明幽獄窮魂解罪纏而升福岸龍

神輯睦境域蘇舒瑞禱禎符日書月至弟子

其九玄滯識證果登真五族六親延生永壽  
飛沉遂性動植咸宜共沐玄功盡階妙道上  
明  
天專慈施之澤下副<sub>臣</sub>等虔奉之誠謹啓以  
聞

發願

- 一願大道流行普天懷德
- 二願一切有生咸皆悟道
- 三願九夜悲魂一時解脫
- 四願孤魂無依咸得受生
- 五願天下太平五穀豐熟
- 六願<sub>臣</sub>忠子孝君仁父慈
- 七願四海通同冤親和釋
- 八願潛胎處卵咸得生成
- 九願積疾新病旋即痊愈
- 十願孤露眾生豐衣足食

復爐

香官使者左右龍虎君侍香諸靈官當今<sub>臣</sub>  
行香之所自然生金液丹碧芝英百靈眾真  
交會在此洞萊爐前令<sub>臣</sub>體耀金輝斬伐肥

根七玄拔擢百聞備仙解除死籍宴坐泥丸  
東華紀字策景虛玄十方仙童玉女接待香  
煙傳<sub>臣</sub>向來所啓之言速達徑御  
太上無極大道無形無名虛無自然金闕玉  
陛下

出戶

太上黃籙齋儀卷之三十四

正一天師清微弟子許百堅 製作  
道教學術資訊網站

太上黃籙齋儀卷之三十五

王二

唐廣成先生杜光庭集  
普度幽魂遷拔中分行道原缺清且

入戶

各禮師存念如法

衛靈

- 丹靈朱火 炎霞激風 赤輪剛運
- 天光八衝 迸威包羅 交變萬方
- 流金豁落 羣魔滅蹤 碎姦破妖
- 明耀元功 金符召制 躡雲乘龍
- 謠歌慶會 散花太空 神化冥運
- 四極安隆 伏御帝前 罔有不恭
- 鳴法鼓二十四通

无上三天玄元始三炁太上道君召出<sub>臣</sub>身  
中三五功曹左右官使者侍香金童傳言王  
女五帝直符直日香官各三十二人出出者  
巖裝關啓玄壇天帝神君當召此間土地里  
域真官正神急上關啓<sub>臣</sub>今奉為入意以今  
關告願得玉清道炁靈寶妙光下降流入<sub>臣</sub>  
等身中即使玄壇清淨內外成真天無氛穢